

## **Finansijska sredstva**

U skladu sa Finansijskim planom Fonda zdravstvenog osiguranja Brčko distrikta BiH za 2015. godinu, predviđeno je finansiranje projekta asistirane reprodukcije / vantjelesne oplodnje.

Osiguranim licima kojima Fond prvi put finansira postupak asistirane reprodukcije, odobrava se iznos do 4.400,00 KM, a za drugi put odobrava se iznos do 3.000,00 KM

## **Realizacija projekta**

Pravo na finansiranje asistirane reprodukcije se ostvaruje refundacijom utrošenih novčanih sredstava do odobrenog iznosa, uz dokazivanje ispunjenosti medicinskih i nemedicinskih kriterijuma.

U cilju realizacije navedenog projekta, Fond je utvrdio uslove i postupak za ostvarivanje prava na finansiranje asistirane reprodukcije. Propisani su medicinski i nemedicinski kriterijumi, kao i način ostvarivanja prava.

## **Medicinski kriterijumi**

- žena koja se liječi od neplodnosti (dokazuje se nalazom i mišljenjem ginekologa),
- žena do napunjene 42 godine života,
- utvrđene dijagnoze i stanja:
  - 1) endometrijoza (dokazuje se nalazom ginekologa uz HSG ili laparoskopskim nalazom o neprohodnosti jednog ili oba jajovoda);
  - 2) operativni zahvat na jajnicima sa posljedičnim gubitkom funkcije jajnika (dokazuje se otpusnom listom iz zdravstvene ustanove);
  - 3) preležana pelvična inflamatorna bolest sa posljedičnom neprohodnošću jednog ili oba jajovoda (dokazuje se HSG nalazom ili laparoskopskim nalazom);
  - 4) oštećena prohodnost jajovoda uz loš kvalitet sperme (dokazuje se HSG nalazom, spermogramom i nalazom urologa);
  - 5) svi oblici subfertilnosti muškarca uz postojanje živih ili morfološki ispravnih spermatozoida u ejakulatu (dokazuje se spermogramom i nalazom urologa);
  - 6) idiopatska neplodnost (dokazuje se medicinskom dokumentacijom o najmanje tri inseminacije na ginekološko - porođajnom odjeljenju Bolnice u Brčko distriktu BiH ili o jednoj inseminaciji u specijalizovanoj ustanovi sa laboratorijskom pripremom sperme).

## **Nemedicinski kriterijumi**

- da je podnosilac zahtjeva osigurano lice Fonda (ženskog pola) najmanje (24) dvadeset četiri mjeseca neprekidno prije dana podnošenja zahtjeva,
- da se radi o bračnoj ili vanbračnoj zajednici u trajanju više od (2) dvije godine (dokazuje se kopijom vjenčanog lista za bračnu zajednicu ili ovjerenom izjavom partnera za vanbračnu zajednicu).

## **Postupak rješavanja po zahtjevu osiguranih lica**

Fond će po zahtjevu osiguranog lica za naknadu utrošenih sredstava, koji sadrži svu neophodnu dokumentaciju, donijeti rješenje o učešću Fonda u troškovima postupka asistirane reprodukcije.

Uz zahtjev za nadoknadu utrošenih novčanih sredstava za finansiranje postupka asistirane reprodukcije potrebno je priložiti:

- 1) mišljenje ordinirajućeg ljekara (ljekara specijaliste ginekologa ili ljekara specijaliste urologa),
- 2) konzilijarno mišljenje nadležnog odjeljenja (ginekološkog, a u slučaju muškog steriliteta i urološkog) JZU "Zdravstveni centar Brčko" Brčko distrikt BiH o ispunjenosti medicinskih kriterijuma,
- 3) medicinsku dokumentaciju kojom se dokazuje da je izvršen postupak asistirane reprodukcije, nakon utvrđivanja propisanih medicinskih kriterijuma,
- 4) originalne račune kojima se dokazuje da je izvršeno plaćanje usluge asistirane reprodukcije, a koji glase na ime podnosioca zahtjeva ili supružnika/vanbračnog partnera,
- 5) broj žiro-računa jednog od partnera.

Finansiranje projekta se vrši samo po jednom zahtjevu bračnih / vanbračnih partnera, ukoliko isti bude podnešen u roku od šest mjeseci od dana izvršene asistirane reprodukcije.

Fond će financirati projekat asistirane reprodukcije maksimalno dva puta za jedan bračni par, odnosno par koji živi u vanbračnoj zajednici.

Podnosilac zahtjeva mora imati status osiguranog lica Fonda i uplaćene propisane doprinose za zdravstveno osiguranje.